

Theolog



Est. 1804
59944



Mag. St. Dr. P


Fest 4014

Benedicti P.P. XIV.: Breve Apostolicum facultatis im-
portandi benedictionem cum indulgentia plenaria fi-
delibus in mortis articulo constitutis.

Facu
tis ar
Cum

Ve

H
A



non
pasc
trin
nost
stol
gis
& h
acce
cum
Civ
ani
fulc
ta
sex
nit
qui
vot
pat
plu
&
op
ru
ni
ru
rit
no
ge
tr

BREVE APOSTOLICUM 9

Facultatis impertiendi Benedictionē cum Indulgentia plenaria Fidelibus in mortis articulo constitutis etiam per alios tam in Civitate, quā Diœcesi Cracoviensi. Cum Literis subdelegationis hujusmodi. Facultatis Presbyteris tam Sacularibus, quā Regularibus in cura animarum laborantibus.

Venerabili Fratri STANISLAO Episcopo Cracoviën:

59944m

BENEDICTUS PP. XIV.

Venerabilis Frater salutem & Apostolicam Benedictionem.



Rga omnes Christi fideles in maximo instantis mortis discrimine, & in durissima tantæ necessitatis hora, constitutos, tanto abundantius Romanus Pontifex coelestes Thesauros erogare, traditamq; sibi divinitus opitulandi potestatem debet exercere, quanto tunc major premit illos ^{pugna} ^{oboni} anxia ægritudo, ac penè conficit acerba tristitia, furentibus, undequaq; teterrimis, & callidissimis hostibus, qui Leonis instar rugientes, adstant, ut devorent, & quorum efferata rabies, nisi eorum sanguine, id est æternâ animarum ruinâ, expleri non potest: Hinc, Nos, quibus licet immeritis omnes oves suas Christus in Petro pascendas dedit, ne illis unquam in extremo vitæ mortalis agone aliquid detrimenti culpâ nostrâ contingere possit, in partem potestatis & sollicitudinis nostræ cæteros Pastores nuper vocavimus, ut sibi comparatis omnibus Apostolicæ Sedis & Nostræ autoritatis subsidiis, majori atq; uberiori eorum Gregis utilitati prospiciant, facilem ad assequendam æternitatem aditum aperiant, & horribiles hostium impetus comprimant, atq; repellant. Cùm itaq; sicut accepimus, Ecclesiæ Cracoviensi præesse dignosceris, Benedictionem Apostolicā cum Indulgentia plenaria in articulo mortis impertiendam ægrotis istarum Civitatis & Diœcesis Cracoviensis concedere posse plurimum desideres: Nos animarum Christi fidelium tuæ curæ commissarum saluti paterna caritate consulere cupientes, Fraternitati tuæ, ut donec regimini Ecclesiæ Tibi demandatæ præfueris, & quoties in dictis Civitate & Diœcesi Tuis, aliquem utriusq; sexus Christi fidem in mortis articulo constitutum esse contigerit, siverè poenitens & confessus, ac sacra Communione refectus, vel quatenus id facere nequiverit, saltem contritus Nomen Jesu ore, si potuerit, sin minus corde devotè invocaverit, & mortem tanquam peccati stipendium de manu Domini, patienti atq; alacri animo susceperit, toties per Te ipsum, seu per unum aut plures Presbyteros, probitate morum præditos sæculares, seu cujusvis Ordinis, & Instituti regulares, à Te ad Tui libitum semel, vel pluries, & quandocunq; opus fuerit, delegandos, eligendos, & deputandos, & quò ad Moniales illarum Confessarium ordinarium, Apostolicam Benedictionem Nostro & Romani Pontificis pro tempore existentis, nomine cum plenaria omnium peccatorum suorum Indulgentia & remissione impertiri liberè & licitè valeas, auctoritate Apostolica tenore præsentium, servata tamen in omnibus, quarundam nostrarum sub Plumbo Nonis Aprilis, annò millesimò septingentesimò quadragessimò septimò expeditarum Literarum forma, & dispositione concedimus, tribuimus & impertimur. In contrariū facientibus non obstantibus quibuscunq;

Volumus



Stanislaus

Volumus autem, ut tam Tu, quàm Delegati, & eligendi pro impertienda Bene-
dictione, & plenaria Indulgentia in articulo mortis hujusmodi constitutis
applicanda formulam adhibeatis à Nobis in dictis nostris Literis præscriptam
tenoris sequentis, videlicet:

℣. Adjutorium nostrum in Nomine Domini.

℟. Qui fecit Cœlum & Terram.

Antiphona.

Ne reminiscaris Domine delicta Famuli tui (vel Ancillæ tuæ) nequē vindi-
ctam sumas de peccatis ejus.

Kyrie eleyson, Christe eleyson Kyrie eleyson, Pater noster &c.

℣. Et ne nos inducas in tentationem,

℟. Sed libera nos à malo.

℣. Salvum fac Servum tuum (vel Ancillam tuam, & sic deinceps)

℟. DEUS meus sperantem in Te.

℣. Domine exaudi Orationem meam,

℟. Et clamor meus ad Te veniat.

℣. Dominus vobiscum,

℟. Et cum Spiritu tuo.

O R E M U S.

Clementissime DEUS. Pater misericordiarum, & DEUS totius conso-
lationis, qui neminem vis perire in te credentem atq; sperantem, secun-
dum multitudinem miserationum tuarum respice propitius Famulum tuum N.
quem Tibi vera Fides, & spes Christiana commendant. Visita eum in salutari
tuo, & per Unigeniti Tui Passionem & mortem omnium ei delictorum suorum
remissionem & veniam clementer indulge ut ejus anima in hora exitus sui
Te Judicem propitiatum inveniat, & in sanguine ejusdem Filii tui ab omni
macula abluta transire ad vitam mereatur perpetuam. Per eundem Christum
Dominum nostrum.

*Tum dicto ab uno ex Clericis adstantibus Confiteor &c. Sacerdos dicat Mise-
reatur &c. deinde:*


Dominus noster JESUS Christus Filius Dei vivi, qui Beato Petro Apostolo
suo dedit potestatem ligandi atque solvendi per suam piissimam misericordiam
recipiat confessionem tuam, & restituat tibi stolam primam, quam in Bap-
tismate recepisti; Et Ego facultate mihi ab Apostolica Sede tributa Inulgentiæ
plenariam & remissionem omnium peccatorum tibi concedo. In Nomine Pa-
tris &c.

Per sacrosancta humanæ reparationis mysteria, remittat tibi Omnipotens
DEUS omnes præsentis & futuræ vitæ pœnas, Paradisi portas aperiat, & ad
gaudia sempiterna perducatur. Amen.

Benedicat te Omnipotens DEUS, Pater, Filius, & Spiritus Sanctus. Amen.

Datum Romæ apud Sanctam MARIAM Majorem sub Annulo Piscatoris
Die 21. Martij 1748. Pontificatus Nostri annō 8vō.

D. Cardinalis Passioneus



Biblioteka Jagiellońska



stdr0026162

